

1 Timoteo

Mamabuinore coyuiyebu Pablo bácu ùi toivaicōjeiye báquede mamayoca paperayocare Timoteo bácu. Pablo bácu judíovacacu bácuvacari, Jesús ùi yávaiye méne beorí coyucōjeimu marejaquemavu, соуцсуу ùi yávaiye méne judíova ánevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Pablo bácu toivaicōjeiyede ùre toivacaipōecu bácu diyocare, javede toivaicōjeneaquemavu apeyoca caipucapuruape paiyoca ùi paperayoca curiyocare Majepacu Jūmenijicui yávaiye mamaene coyutucubo jívui. Diyocare toivaicōjeniburu yóji'boi, toivaicōjeneaquemavu Tito bácu, aru no yóbove yoca buojaiyocare yóbocayocare Timoteo bácu. Pablo bácu coyurejaquemavu ùre toivacaipōecu bácu aipe ùi toivacaquiyé báquede diyocare. Toivaicōjeneaquemavu diyocare ániñju bácarōre 63 d.C., ùi cuede Macedonia ámicurijoborói.

Pablo bácu toivaicōjeneaquemavu diyocare parure ñacuyu Timoteo bácu ùi ùmei (1:12-19, 4:1-16, 6:11-21), aru ñajocare ñaicōjecuyu ùi mácu Éfesocavure ne bueino jáve ámene (1:3-11, 6:3-10), aru соуцсуу ùi mácu aipe ñaiye jaurore Jesúsre ju aivure coreipōevare aru náre cañateipōevare máre (3:1-16, 5:1-6:2), aru aipe ñaiye jaurore Jesúsre ju aipōevare ne mearore jiyede Jūmenijicure (2:1-15).

Pablo ùi meaicōjeino Timoteore

(Hch 16.1-3)

1 ¹Yu, Pablo, toivaicōjeivu apécure iyoca paperayocare. Yábu Jesús ùi yávaiye méne beorí coyucōjeimaracacu. Jūmenijicu meadaibi majare. Aru Jesucristo napini corede ñaibi majare caiye iye ùi mearo ñacaquiyede. Ne coyucōjeimumu yu Jesús ùi yávaiye méne. ²Mu, Timoteo, yu meaicōjeivu mure. Jáve jímacupe páyubu mu, mi ju aipe boje Jesúsre. Majepacu Jūmenijicu, maje jabocu Jesucristomaque, mearo ñacajacurí mure bojecubeda ùi me boje. Aru cōmaje ároje jájacurí mure. Aru torojurí cure ñajacurí mure cārijimecava.

Pablo ùi bueicōjemeno boro ámene

³Ñajacu mu yópe ji coyuiye bácupe mure ji nuiyede Macedonia ámicurijoborói. Yu mauteicōjecacu mure Éfeso ámicurímaroi, mi ñajocare ñaquiyere ayu apevu nócvare ne bueiyede jáve ámene maje bueiyede jocarí. ⁴Coyucōjemejacu náre ne

coyuiño mácarōre aru ne áruuidiyede néñecuva mácvu ne ámiá coapa. Ne nópe ñaiyede, jēniari jádama ne bajumia ye majibevva cainmua. Ne nópe ñaiyede, coreóvaivu buojabema na Jūmenijicui urōre náre ne ñarājiyede, yópe jaurore náre ju aivu baru Jesúsre.

⁵Ñaicōjecacu náre ji coyuiyere, ne urājiyere ayu apevure me ne dápiayequé “Boropatebevva yu”, ne arí dápiayequé aru jáve ne ju aiyequé Jesúsre. ⁶Ubenita ina pōeva yópe ñabema na. Quéhora coyuvubu ubenita. ⁷Bueiyurivubu na Jūmenijicui ñaicōjeiyede ùi coyuiye báquede Moisés bácu. Ubenita coreóvabema ne baju ne coyuiyede aru aipe aiyuede ne bueniduyede máre majidivure.

⁸Coreóvaivubu maja méne Jūmenijicui ñaicōjeiyede ùi coyuiye báquede Moisés bácu, pōeva ne coreóvaru aipe teni Jūmenijicui coreóvare ñaiye báquede diede. ⁹Coreóvaiye jaovu pōevare aipe teni Jūmenijicui coreóvare ñaiye báquede iye ñaicōjeiyede. Jūmenijicu coyurejaquemavu iye ñaicōjeiyede

Moisés bácare, jádovacuyú dieque pöeva ne ámeina teiyede. Que baru ina pöeva boropatebevure Jümenijicui jáinore, ne ju aipe boje Jesúre, jaubevu náre iye ðaicöjeiye. Quéhora ina ámeina teivure iye ðaicöjeiyeque Jümenijicu jádovaimi ne ámeina teiyede.

Ámeina teivu ne ðaiye nópe paiyebu. Námu Jümenijicui ðaicöjeiyede ju abeni ðabevu. Puedabevubu Jümenijicure, ámeina ðaivu. Námu Jümenijicui ubemara aru yurivu Jümenijicure máre. Námu boarí jaruvaivu népacure, aru népacore, aru aprevure máre. ¹⁰Námu curivu aprevuque némarebucúva ámevuque, aru úmúva ámeina ðaivu ne baju aprevu úmúvaque. Námu návaiivu pöevare, jínajivu náre yebacavure. Námu borocurivu aru “Сочу́счүму jáve”, ne aríburu yóbove borocurivu. Jümenijicu jádovaimi úi ðaicöjeiyeque caiye iye ðare ðaiyede copu ámenore iye bueiye méne jocarí.

¹¹Aru bueivu yu iyede jávene, сочу́уу Jümenijicui yávaive me püeno baju méne, pöeva ne majinajiyere ayu aipe Jümenijicu meadayure náre. Ñai Jümenijicu meacu baju jári coreicöjeimi yure aru bueicöjeimi yure úi yávaive méne.

Pablo úi torojuede jínu Jümenijicure úi cómaje ároje jáiye boje
(Hch 8.3, 9.4-5)

¹²Yu torojuede jýubu maje jabocu Jesucristore, úi jáiye boje yure yópe úi uróre ðayure. Que baru epeibi yure, ji memecaquiye ayu úre. Aru parure ðaibi yure, ji buequiyere ayu úi yávaive méne.

¹³Yópe mearo ðacaibi yure javede, ámeina úre yávayú bácareca, cujurí ñájine ðayú bácareca úre ju aivure, aru maucuvacu bácareca úre. Ubenita Jümenijicu cómaje ároje járejaquemavu yure, ji que ðaiye boje caiye iyede coreóvabecupe, ji ju abe boje Jesúre cáreja. ¹⁴Aru Jümenijicu püeno uraró mearo baju ðacarejaquemavu yure. Úi mearo ðacaiye boje yure bojecubeda, caride yu ju ayubu Jesucristore aru uvu yu úre.

¹⁵Jávetamu iye. Que baru ju aipe javuú caivure iyede. Jesucristo darejaquemavu ijáravui, meadacuyú ámeina teivure. Aru yurecabu ámeina teivucacu bácu ámecu baju caivu püeno. ¹⁶Ubenita Jümenijicu cómaje ároje járejaquemavu yure, Jesucristo úi jádovaquiye ayu aipe úi napino uraró pöevare. Napinejaquemavu yure, ámecu bajure caivu aprevu ámeina teivu püeno, ji ju aquiye ayu úre. Que teni jádovaimi úi uraró papinore ina ji yóbocavu úre ju aivu, ne cuvarájiye ayu járavu cüiméjárovu baquinóre, ne jáiyede úi meadaive báquede yure, ámecu bajure.

¹⁷Ñai maje jabocu, cainumua jaboteyure caivure, puedarjarevu úre aru mearore jínajarevu úre máre. Úrecabe arucu cainumua. Úrecabe maje jámemu. Aru úrecabe Jümenijicu cüinácura. Quédecabu.

¹⁸Mu, Timoteo, jímacupe páyubu mu. Mure сочу́icöjeivu yu pöevare ji bueiyede mure. Árajacu aprevu ne сочу́caiye báquede mura aipe vaiquíyede mure. Arucu diede, parure ðajacu mi úmene, memecacuyú Jümenijicure yópe úi uróre, aprevu ne maucuvadedca mure, nopedeca ñai churara úi me ádamateiye boainoi. ¹⁹Cainumua ju ajacu Jesús úi yávaivede méne jávene. Aru, “Boropatebevú yu”, arí dápiari, cujacu mu. Aprevu pöeva meateiyubema ne boropateiyede. Quéhora ju adama apeno bueino jáve ámenore. Aru dajocadama ne ju aipe báquede Jesúre. ²⁰Pucará úmúva cumu nópe ðaivu, ne ámiá Himeneo aru Alejandro. Jave jícacu náre ñai abujuvai jabocu Satanáre, ne coreóvarájiye ayu ámeina yávaive jaubede náre Jümenijicure.

Pablo úi bueino aipe jëniainore Jümenijicuque
(Mt 20.28; Mr 10.45; Gá 1.4; 2 Ti 1.11; Tit 2.14; 1 P 3.3)

2 ¹Mamarumure yu сочу́iyuvu mure iyede. Caivu Jesúre ju aipöeva сочу́jarári Jümenijicure náre javéde, aru aprevure javéde máre. Yópe ðarí

jíjarári torojuede máre Jūmenijicure aru jēniajarari na Jūmenijicuque caivũ pōevare boje máre. ²Jēniajarari Jūmenijicuque jabovare aru caivũ ina cōjeipōevare máre, maje curājiyepe aivũ me, maucuvabevũva aru cārijimevũva máre. Que teni mearore jīni Jūmenijicure aru pueđarī ajevũ pōevare curājaramu maja me. ³Maje jēniaiye Jūmenijicuque meavũ ajevũre, aru cojvũ Jūmenijicure, majare meadayure. ⁴Ūre cojvũ ũi ne boje caivũ pōeva ũi meadaimara mārājivure aru coreóvarājivure máre ũi yāvaiyede jāvene.

⁵Cūinácũrabe ñai Jūmenijicu. Aru cūinácũrabe ñai pōevare meara cure đayũ Jūmenijicui jāinore. Ñai meadāipōescu ũrecabe Jesucristo. Ūvacaribe ũmũ. ⁶Boarī jarũvaicōjenejaquemavũ ũi bajure, pōeva ne āmeina teiye boje, bojedacacũyũ caivũre, Jūmenijicu jina marājiyépe ayũ. Ūi que đaiye báque boje Jūmenijicui beoijāravũ bācarōi, jáđovarejaquemavũ Jūmenijicu meadāiyũcure caivũ pōevare.

⁷Aru Jesús epedejame yũre ũre coyũcaipōescũva aru ũi yāvaiye méne beorī coyũcōjeimũva máre, jī coyũquiyepe ayũ ũi yāvaiye méne. Ūi bueicōjenejame yũre ina judíova ānevũre iye yāvaiyede jāvene, ne ju arājiyepe ayũ ũre. Coyũvũ mũre jāve. Yũ borocubevũ.

⁸Yũ vũvũ ũmũva ne jēniarājiyepe ayũ Jūmenijicure cainoa ne cōjijinoai, jāmũorī ne purũáre āmenore đabevũva. Quénora memecajarāri Jūmenijicure. Jarabejarāri ajevũre. Aru jāve napini corejarāri Jūmenijicui ju aquinore ne jēniaiyede.

⁹Aru yũ vũvũ nomiva ne dorājiyepe ayũ ne doiyede yópe nomiva meara ne doiyepere. Dobejarāri yópe āmenape, ajevũ ne járajyepere aivũ náre. Quénora doarāri ne cuitótecajearre yópe Jūmenijicure cojuépe. Que teni đabejarāri ne pođaque cāoidũ āmeno baju. Aru adabejarāri cámuca

yuyuyeyede aru āmuyo adaitarabuarre máre cūrājiboa bojecurijiboaque aru úruque máre. Dobejarāri cuitótecajearre bojecuricajearre máre, ajevũ ne járajyepere aivũ náre. ¹⁰Ūbenita đajarāri yópe nomiva Jūmenijicure urivũre, ajevũ ne járajyepere aivũ náre ne cadateiye boje me ajevũre.

¹¹Jūmenijicui yāvaiyede bueiyedeca, caivũ nomiva me jápiarī, majijarāri iye bueiyede bídeca coyũbevũva. Aru pueđajarāri caivũ náre cōjeivure máre. ¹²Yũ nomivare bueicōjemevũ ũmũvare. Aru yũ nomivare máre jaboteicōjemevũ ũmũvare. Quénora bi ajarāri na, nomiva. ¹³Yũ đaicōjevũ náre nópe, Jūmenijicui cuedāiye báque boje Adán mácure mamarũmũre aru Eva bácore ũi yóboi. ¹⁴Aru yũ máre đaicōjevũ náre nópe, Adán mácure abujuvai jabocui jujovabe báque boje. Ūbenita Eva báco abujuvai jabocui jujovaimo máco barejaquemavũ ō. Que baru ico nomió vainí tũrejaquemavũ Jūmenijicui đaicōjeiye báquede. ¹⁵Ūbenita nomiva meadaimara mārājivũbu, me ne bucúováiye boje némarare yópe Jūmenijicui urópe, na cainũmua ju aivũ baru Jūmenijicui yāvaiye méne, aru urivũ baru ajevũre máre, aru memecaivũ baru Jūmenijicure me.

Aipe đaiye jaũrō Jesúre ju aivũre coreipōevare

(Tit 1.6-9)

3 ¹Jāvetamu iye. Ñai pōescu coreiyũcũ baru Jesúre ju aipōevare, ũ memecaiyũbi me Jūmenijicure. Que baru mearomu ũi đaiyũrō. ²Ñai coreiyũcũ Jesúre ju aipōevare đaiye jaũvũ ũre cainũmua yópe pōeva “Āmecube ñai”, ne boro coyũrī adāivũ bũojabenājiyepe aiye ũi borore. Aru đaiye jaũvũ ũre cainũmua yópe pōeva ne jáđovamenājiyepe aiye ũi āmeina teiyede. Jaũvũ ũre máre ũi cũvaquiyepe jímarepaco cūinácũra. Coreiye jaũvũ ũre me ũi đaiyede. Aru đaiye jaũvũ ũre majiéque. Đaiye jaũvũ ũre yópe pōeva ne pueđaimũre. Me corũ etarī

jacoñiye jañvu ére ina curádaivure. Aru me bueiye jañvu ére ùi coreimarare máre. ³ Ûcumejacurí pacotede ðaiyede. Aru ádamateiyubejacurí. Quéñora meacu pōescu bajacurí. Aru jarabecurí. Tātuturare jecubeni, diede pare urí vore ñmejacurí. Aru áujimejacurí apevu ne cūvaede. ⁴⁻⁵ Ñai ùmu buojabecu baru jaboteyñ ùi cūramicavure, jāve buojabecube coreyñ Jūmenijicui cūramicavure, Jesúre ju aipōevare. Que baru jañvu ére ùi jaboteiye me ùi cūramicavure, mamara ne ju arājiyepe aipe ére aru ne pueðarājiyepe aipe máre cainñmua. ⁶ Cūinācu ùmu mama ju ayñ Jesúre corebejacurí apevu Jesúre ju aipōevare, “¿Meacu bārica yñ apevu pñeno?” arí dápiabescuñ. Ùi que aru, Jūmenijicu “Ñájicuyñmu mu”, ajebu ére nópe “Ñájicuyñmu mu”, ùi aipe báquepedeca ñai abujuvai jabocure. ⁷ Aru ñai Jesúre ju aivure coreipōescure ðaiye jañvu cainñmua yópe ina Jesúre ju abevñ ne me yávarājiyepe aipe úra. Ùi ména ðabedu ina ju abevñ ámeina yávarājarama úra. Que teni vainí tucuyñme ére ñai abujuvai jabocu ùi jujovaiyeque. Ñai abujuvai jabocu jēcuyñme ére popedeca doriññ jēiyepe moacure.

Aipe ðaiye jañrō Jesúre ju aivure caðateipōevare

⁸ Quédeca ina Jesúre ju aivure caðateipōeva máre, jañvu náre ne mearo ðaiye cainñmua. Jañvu náre ne ðaiye yópe pōeva ne pueðaimarape, aru ne yávaie máre jāve caivure jujovabevñva. Ùrarō ùcuiyede ùcumejararí na pñ ne pacotede ðaiyeta. Aru vorí eabejarāri na tātuturare ámei dápiaiyeque. ⁹ Jañvu náre ne ju aipe jāve “Boropatebevñ yñ”, ne arí dápiaiyeque iye bueiyeðe jāvene, Jūmenijicui jáðovameno mácarōre jipocamia ùbenita jáðovainore caride. ¹⁰ Apevu járajarama ne cuede. Aru náre ámeina teiyede jámenu, memecajarāri na Jesúre ju aivure caðateipōevape. ¹¹ Quédeca ina nomiva Jesúre ju aipōevare caðateinomiva

máre, jañvu náre ne mearo ðaiye cainñmua, yópe pōeva ne pueðaimarape. Yávabejarāri borocuede apevñ borore. Corejarāri me ne ðaiyede máre. Jañvu náre máre ne buojaiye me caiye ne memeiyeðe. ¹² Jañvu ina Jesúre ju aivure caðateipōevare ne cuvarājiyepe némarepacova cūinācora. Aru jañvu náre ne jaboteiye me némarare aru caivñ ne cūramicavure máre. ¹³ Que teni ina Jesúre ju aivure caðateipōeva ne memecaru me, pōeva pueðarājarama náre. Que baru nácapūravn buojarājarama coyñvñ jidubevñva aipe ne ju aiyede maje jabocu Jesucristore.

Jūmenijicu ùi jáðovameno mácarōre jipocamia coyñino

¹⁴⁻¹⁵ Jáscññiyñvñ yñ mure maumena. Ùbenita caride toivaicōjeivñ apecure mure yo paperayocare, ji járobedu mi majiquiyepe ayñ aipe ðaiye jañrōre ne bajumia Jūmenijicui pōevare, Jesúre ju aipōevare, ñai Jūmenijicu apucu jinare. Nácapūravn coyñyama Jūmenijicui yávaieyede ùi toivaicōjeiye báquede ne bajumia. Aru buedama apevure parurōreca diede máre. ¹⁶ Jāve pñeno métamu iye bueiye jāve, Jūmenijicui jáðovameno mácarō jipocamia ùbenita jáðovaino caride, maje majinaijiyepe aipe aipe ðarí carājivñ meara Jūmenijicui jáinore. Yópe arí, coyñvñbu maja:

Cristo járorējaquemavn ijāravñi pōescure. Aru ñai Espiritu Santo jáðovarejaquemavn úre pñeno meacu bajure. Ina ángeleva járejaquemavn ére. Pōeva coyñrejaquemavn ùi borore caivñ joborōcavñre. Ijāravñcavñ ju arejaquemavn ére. Aru Jūmenijicu muvarejaquemavn ére cavarō mearo ùi cñrōi, arí coyñvñbu maja.

Ina dajocavñ ne ju aipe báquede Jesúre

4 ¹ Ñai Espiritu Santo jāve coyñibi buojaijāravñare apevu Jesúre ju aipōeva mácavn ðajocarājivñre ne ju

aiye báquede. Que teni jápiarājarama na abujuvare ne bueiye, ina jujovaiyurivure pōevare ne bueiye jāve āmeque. ²Buede đarājarama pōeva borocurivure. Que teni jujovarājarama pōevare ne bueiye jāve āmeque. Ina buei pōeva coreóvarājarama ne bueiye jāve āmene. Ūbenita ye chīomenajarama ne jujovaiyede, “Boropatebevu yu”, ne arī dāpiabe boje. ³Yópe arī, buenajarama na: “Purubnobejarā mja” aru “Āmejara mja apejīe āiyede”. Ne nópe bueiye meamevu. Caiye maje āiyede cuedarejaquemavu Jūmenijicu, Jesúre ju aipōeva, ūi yávaiyede jāvene majidivu, torojuede jīni ūre, ne ārajipe ayu diede. ⁴Que baru caiye iye Jūmenijicui cuedaiye báquede maje āru, mearotamu. Maje torojuede jídu ūre maje jacopuiyede ūi cuedacaiyede majare, jaruvaiye jaubevu diede majare cainmua. ⁵Jūmenijicui yávaiyede ūi toivaicōjeiye báque boje aru maje jēniaiye boje ūque máre, jívubu mearore ūre. Jūmenijicu me jāñme diede.

Aipe đarī Jesucristore memecayu me

⁶Mu coyuy baru yópe ji toivaicōjeiye apecure ina Jesúre ju aipōevare, mi baju máre bueiye deca iye yávaiye méne mi ju arīburu yóboi Jesúre aru caride máre, meacu memecapōecu bacuyumu mu Jesucristore. ⁷Ūbenita jápiabejacu iye ijāravuque coyuiyede pue dabe de Jūmenijicure aru ārumene máre. Qué nora buejacu mi baju, pue dacyu Jūmenijicure pueno baju mi đaiye que cainmua. ⁸Pōecu ūi parure đaru ūi bajure, qujino mearomu ūre. Ūbenita pōecu ūi parure đaru ūi ūmene, urarō mearomu ūre. Ūi bajui paruru, mearomu ūre ijāravumiata. Ūbenita ūi ūmei paruru, urarō mearomu ūre ijāravure aru daquijāravu baquinóre máre. ⁹Jāvetamu iye. Que baru ju aiye javvu diede caivure. ¹⁰Que baru memeivubu maja pu ūetivuvacari, maje napini coreiye boje Jūmenijicui cađatequiyede majare. Yópe coreivubu Jūmenijicui apue boje aru ūi buojaiye

boje meadayu caivu pōevare máre. Que baru Jūmenijicu meadacyume caivu ina ju aivure Jesúre. ¹¹Iye ji coyuiyede mure, nopedeca buejacu aru đaicōjejacu.

¹²Pōevare pue dabe de đabejacu mi bojué boje. Qué nora yávajacu me. Mearo đajacu máre. Aru ūjacu arevure. Ju ajacu Jesúre máre. Aru āmeno đabejacu. Que teni pōevare pue dabe de đajacu mure, mi jáđovaiye boje náre aipe đaiye jaurore caivu Jesúre ju aipōevare. ¹³Caride aru pu ji eaiyeta ūetubecvu jári borotejacu pōevare Jūmenijicui yávaiyede ūi toivaicōjeiye báquede. Coyujacu aipe đaiye jaurore náre. Aru buejacu náre máre. ¹⁴Ārujacu Jūmenijicui majiéde, ūi jíye báquede bojecubeda mure javede, ina Jesúre ju aivure coreipōeva ne coyucaiye báquede mura aipe vaiquiyede mure, aru ne tuiyede báquede mi jipoburā ne puruáque. Āruri dajocabejacu đayu yópe mi majiéque Jūmenijicui jíye báquede mure.

¹⁵Me dāpiajacu caiye iye ji coyuiyede mure. Caijāravu pueno đajacu yópe ji coyuiyede, pōeva mure jári ne majinajipe ayu đayure yópe mi coyuiyede. ¹⁶Me jájacu mi đaiyede. Aru buejacu yávaiyede jāvene máre. Nópe đajacu cainmua. Que teyu mi baju meadacyumu mu. Aru meadacyumu mu ina jápiaivure mi bueiye de máre.

Aipe đaiye jauro Jesúre ju aipōeva que

(Mt 10.10, 18.16; Lc 10.7; 1 Co 9.9)

5 ¹Jarabejacu mu ina ūmva bucuvare. Qué nora coyujacu me aipe đaiye jaurore náre, nopedeca mīpacure mi coyuiyede. Ina ūmva bojvure máre, coyujacu nopedeca míyovare mi coyuiyede. ²Ina nomiva bucūromivare máre, coyujacu nopedeca mīpacore mi coyuiyede. Ina nomiva bojūromivare máre, coyujacu nopedeca míyorōmivare mi coyuiyede. Aru cainmua āmeno đabejacu náque.

³Pue dajacu ina nomípeva cūinácova curivure némara aru népāramena máre cubevure. Jáve cōmaje ārojarivubu na. Que baru cađatejacu náre javéde.

⁴Ûbenita ico nomiópecoi mamara curivü baru o jípāramena máre curivü baru, jaüvü náre ne cadateiye óre. Que baru napini corebejarāri ina Jesúre jü aipõevare ne cadatenajiyeye aivü népacore o néñecore máre. Quénora jíjarāri na óre jauéde. Oi me jári coreiye boje náre jueðovare cāreja, ò bucúco caride, óre jári coreiye jaüvü náre. Que teni Jümenijicu me jáññume ina põeva jári coreivüre me nébucüvare. ⁵Ûbenita ico nomiópeco cüináxico cucó, óre jári coreipõecu cuvabeco, napini coreibico ò Jümenijicu cadatecüyure óre. Que baru jēniadome úre cainumua, üi cadatequiyeye ado óre jārāvüre aru ñamine máre. ⁶Ûbenita ico nomiópeco torojüve teiyede vodore, cadatebejacu óre. Que teni ò arüibico òi baju. Ûbenita yayió bácope páðobe òi ümene Jümenijicui jáinore. ⁷Ðaicõjejacu mü ina Jesúre jü aipõevare yöpe ji coyüiyeye. Que teni apevü buojabenama ámeina yávaivü ne borore. ⁸Ina jü abevüvacari jüma ne bucüvare jauéde. Que baru cüinácu Jesúre jü aipõecu jíbecu baru ü jivüre aru üi cüramicavüre máre náre jauéde, úcapüravü ámecü bajube jü abevü püeno.

⁹Mi toivarí cüvarõre ne ámiäre ina nomiópevare, toivajacu ico nomiópeco sesenta paijüna püeno cüvacore jári baju, aru cüinácura ümücúco bácore ðajocabecova úre, Jesúre jü aipõeva ne cadatenajiyeye ayü. ¹⁰Põeva ne pueðaimo majacóri ò. Coyüjarāri na òi borore, “Ico nomiópeco mearo ðaibico ò”. Jaüvü óre òi bucúóvayie báque me mamarare, aru òi copü etaiye báque curádaivüre, òi joaiye báque Jümenijicui põevai cübobare, aru òi cadateiye báque cõmaje árojarivüre máre. Que teni jaüvü óre òi mearo ðacaiye apevüre cainumua.

¹¹Ûbenita toivabejacu ne ámiäre, Jesúre jü aipõeva ne cadatebenajiyeye ayü ina nomiópeva bojurõmivare. Ina püñubõoiyürivü baru apecüque, ðajocarājarama ne memecaiyede Jesucristore. ¹²Que teni ðabenajarama yöpe “Yü bácojivü memecado”, ne

aiye báquepe Jesucristore. ¹³Aru ina nomiópeva bojurõmiva jüracurivü, cure cuyama cüramia coapa. Borore coyürí jioðama na. Cārijovaðama põevare. Aru borotedama boroteiye jaubede máre. ¹⁴Que baru yü üvü ina nomiópeva bojurõmivare ne püñubõoi jüedocüvarājiyeye ayü jári coreivüva ne cüramiare. Que teiyede maje maucü buojabecübe ámeina yávayü Jesúre jü aipõeva ne borore. ¹⁵Javede apevü nomiópeva ðajocaquemavü ne jü aiye báquede Jesúre. Que teni memecadama ñai abujuvai jabocu Satanäre. Que baru que aivü yü müre.

¹⁶Cüináco nomió Jesúre jü ado cüvaco baru nomiópevare ò jivü jēneboi, cadateiye jaüvü óre, ina Jesúre jü aipõevare cadateiye jaubequiyeye aiye náre. Nópe ðaiyede ina Jesúre jü aipõeva jáve cadatenajarama ina nomiópevare, ñame ne cadatebemarare jáve cõmaje árojarivüre.

¹⁷Ina Jesúre jü aipõeva urarõ pueðajarāri náre ina coreipõevare, ne jaboteiye boje náre. Aru ina Jesúre jü aivüre coreipõeva bueivüre aru coyüivüre máre Jümenijicui yávaiye méne püeno baju pueðajarāri aru bojedajarāri náre ména.

¹⁸Que baru yöpe arí Jümenijicu toivaicõjeneaquemavü üi yávaiyede: “Ñai oteiáimacu uracu memecayüre müjare, buobekarā úre üi jijecamure, üi ámequiyeye aivü úre üi cüocaiyedeca müjare müje oteiyaabeare, üi curaiyede diede”. Que baru üi áiye memeiye bojepebu. Aru, “Memecaipõecüre bojedaiye jaüvü üi memeinore”, arí toivaicõjeneaquemavü. Que baru me bojedajarā müja ina müjare bueivüre.

¹⁹Cüinácu põecu üi boro coyürí adaru cüinácu Jesúre jü aivüre coreipõecüre, jápiarí adabejacu mü üi coyüiyede. Ûbenita pücarā o yöbecurā majidivü bácvü üi ámeina teiye báqueda ne boro coyürí adaru úre, jápiarí adajacu mü ne boro coyüiyede. ²⁰Aru jarajacu úre caivü apevü Jesúre jü aipõeva ne jáinoi, ne jidurājiyeye ayü ðarājivü ámeno

úpe. ²¹Iye ji toivaicōjeiyede apesure mure Jūmenijicu, aru Jesucristo, aru ina ángeleva meara baju máre majima. Que baru ne jáinoi ju aicōjeivū mure ji ðaicōjeiyede. Que baru arī dápíabejacu mi baju apesu ámeina ðayure ũi coyūquiye jipocai. Aru jámejacu ũbenina apesu measure apesu pūeno.

²²Dápíabescuva, mi puruáque tūorī, epebejacu apesure Jesucristore memecaipōescure. Mū que ðayū baru, aru ũi ámeina tedu, múvacari ju ajebu ũi ámeina teiyede. Que baru apévure ámeno ðare ðabejacu mū. Aru múvacari ámenore ðabejacu cainmua.

²³Apenmua mure yapibu ijíe boje, ũcumejacu oco matuiyeda. Quénora ũcujacu apesoro vino úyaicorore, juocuyū mi bajure.

²⁴Apevu pōevare, ne nájínajiyi jipocamia, caivu javede jádama ne ámeina teiyede. ũbenita apévū pōeva ámeina tedama yavenina. Que teni pu ne nájínajijáravū baquinó eaiyeta apévū jámenama ne ámeina teiyede. ²⁵Quédeca apévū pōeva mearo ðadama caivu ne jáiyede. Aru caivu coreóvadama aipe ne mearo ðaiyede. ũbenita apévū pōeva mearo ðadama yavenina. ũbenita yaveni ðaivu buojabenama na cainmua. Quénora cūinájáravū baquinóí apévū coreóvarājarama aipe ne mearo ðaiyede.

6 ¹Caivu Jesúre ju aipōeva memecaivure pueðaiye javū ne jabocūre cainmua, apévū ne ámeina yávabenajiyere aivu Jūmenijicure aru maje bueiyede máre. ²Aru apévū memecaivū baru Jesúre ju aipōevare, ðajocabejarāri ne pueðaiyede náre, ne ju aiye boje nápe. Quénora pūeno mearo baju memecajarāri náre, ne ju aiye boje Jesúre aru Jūmenijicūi ũe boje náre.

Maje bojecue jáve
(He 13.5)

³Maje jabocū Jesucristo bueibi majare jáve, maje majínajiyere ayū aipe ðaiye javūre majare, maje curājiyere ayū yópe Jūmenijicūi urōpe.

ũbenita apévū curivūbu, ju abevū Jesús ũi bueiyede. Quénora bueivūbu na ape bueiyede jáve ámene. ⁴Ina pōeva dápíavūbu ne baju mearape apévū pūeno. ũbenita ye majibema na. Jēniari jáiyurivūbu ũbenina ne bajumia. Aru jaraivūbu ne bajumia aipe aiyūrōre ne yávaicamuaque. Ne que ðaiye boje, pōeva jorojivūbu, aru jaraivūbu, yávavūbu borocuede apévū borore, aru “Ámeina ðaiyūbi yure”, arī dápíavūbu apévū borore. ⁵Que teni ina ne dápíaino ámenoque cārijovavūbu ne bajumia aru ðajocabevū ne jaraiyede ne bajumia, ne jaruvaiye boje iye bueiyede jávene. Ina pōeva bueiyurivūbu Jūmenijicūi yávaiyede, ínajivū urarō ne bojeva. Coatejacu náre jaruvārī. ⁶Jáve Jūmenijicūi yávaiyede bueiyere pare bojecuebu pōevare, ũbenita ina torojurivūre ne cuvaequeda. ⁷Davabedejaquemavū maja maje cūeva ijáravure. Aru buojabenamu nūvavū maje cūeva ijáravure jocarī. ⁸Que baru maje cūvaru maje áiyeva aru maje cuitótecajeva máre, meaquiyebu majare. ⁹ũbenita apévū urivūbu ne cūeva. Que baru nāi abujuvai jabocū jujovayūbe náre, ne ámeina tenajiyere ayū, cūvarājivū cūvede. Que teni ũ jēñume náre yópe nūoibo jēiyere áimacure. Árumevure vore cuivūbu cūvede. Que teni ámeno ðaivūbu ne baju aru apévure máre. Bjárre ðaivūbu ne baju Jūmenijicure jocarī. Aru nájínajivūbu na. ¹⁰Pōeva ne ũe boje táuturare, ðadama caiye ámenoquede, cūvarājivū diede. Apévū pōeva cūma, ne ju aiye báquede Jesúre jaruvavū bācavū, cūvarājivū táuturare. Aru caride chīori nájínama na.

Jūmenijicu jiede ðajarā ámene
ðabevūva
(Jn 18.37)

¹¹Mū Jūmenijicūi pōescūbu. ũre memecayūbu mū. Que baru ðabejacu caiye iye ámeina teiyede yópe ji coyūiyere. Pūeno baju ðajacu cainmua, mearo ðacūyū Jūmenijicūi jáinoi, pueðacūyū ũre, ju acūyū Jesús ũi

yávaiye méne, ɯcɯy pōevare, napicɯy mi ñájiyede, aru meacu pōescupe cɯcɯy arevɯque. ¹²Jūmenijicu cutuquemavɯ mure, mi cɯquiyepe ayɯ me ñi ɯrōpe aru mi cɯvaquiyepe ayɯ jāravɯ cūiméjāravɯ baquinóre. Dijāravɯ bácarō, Jūmenijicui mure cutuijāravɯ bácarōi, mávacari úre ju ávū obedivɯ ne jáiyede. Que baru p̄eno baju đajacu, cɯcɯy yópe mi ju aiyepe Jesúre, aru cɯvacɯy jāravɯ cūiméjāravɯ baquinóre máre.

¹³Caride yɯ đaicōjeivɯ mure Jūmenijicu, cure đayɯ caivure, aru Jesucristo máre, coyɯy bácu Jūmenijicui yávaiye méne Poncio Pilato bácuire, ne jápaiyede.

¹⁴Ju aicōjeivɯ mure iye ji đaicōjeiyede. Đaiye javɯvɯ mure caiyede yópe ji coyuiyepe. Apejiene árumetebejacu mɯ. Aru oatɯvabejacu mɯ iye ji đaicōjeiyede mure. Que teni ñame buojabecube ámeina yávayɯ mure mi đaiyede. Nópe đajacu mɯ cainɯmɯa p̄u maje jabocu Jesucristoi copaidaiyeta. ¹⁵Jūmenijicu járore đacɯyume Cristore meajāravɯ ñi beojāravɯ baquinóre. Ú parɯcu p̄eno baju cūinácura jaboteyube caivure aru caiyede máre. Que baru meacu bajube Jūmenijicu. Úrecabe jaboteyɯ caivɯ arevɯ jabovare. Aru úrecabe cōjeñɯ caivɯ arevɯ cōjeivure máre. ¹⁶Úrecabe cūinácura yaibécu ñi baju. Ú cɯcu miáđaro mearo, noi p̄eva joabeno i n̄ri buojabema. Úrecabe p̄evai jámemɯ javede aru caride máre. Ñame buojabecube jáñɯ úre cainɯmɯa. Caivɯ pueđajarári Jūmenijicure aru jabotejacurí ñ cainɯmɯa. Quédecabu.

¹⁷Aru ina cɯve cɯvarivɯ ijaravɯquede yópe arí, coyɯjacu náre: “Đápiabejará mɯja mearape arevɯ p̄eno”, ajacu náre. Aru, “Ñuje cɯve cɯvae boje, napini coreivɯbu ñɯja”, arí đápiabejarári na. Que baru ijaravɯque cɯve cūiquíyebu. Aru ñame buojabebi majicu aipino joe cɯquiyepe diede. Quénora náre napini coreicōjejacu Jūmenijicure. Úrecabe jíyɯ majare ɯrarō baju caiyede, maje torojurájiyepe ayɯ. ¹⁸Ina cɯve cɯvarivure đaicōjejacu me arevure. Jecubevɯva jícōjejacu náre ne cɯvaequede, ne coapavarájiyepe ayɯ cōmaje árojarivure, cađatenajivɯ náre. ¹⁹Nópe ne cađateiye boje arevure, cɯvarájarama na coapa ne bojedarájiyede daquijāravɯ baquinóre cavarō mearo Jūmenijicui curōi. Jáve torojurivɯ ne úmei cɯvarájarama na jāravɯ cūiméjāravɯ baquinóre.

**Pablo ñi cōjeino Timoteore
yóbocarō baju**

²⁰Mɯ, Timoteo, Jūmenijicu epeibi mure, mi coyɯquiyepe ayɯ iye Jesús ñi yávaiye méne. Jápiabejacu iye coyuiyede pueđabenore Jūmenijicure aru árumenore máre. Jápiabejacu iye bueiyede jáve ámene. Ina p̄eva borocurivɯ bueniduyama majidivure. “Me majivɯ ñɯja. Ñuje bueiyé javemu”, aríduyama. Úbenita majibema na. ²¹Aru arevɯ yópe bueivɯ, javede đajocađama ne ju aiye báquede Jesúre. Jūmenijicu mearo đacajacurí caivɯ mɯjare bojecubeda ñi me boje. Quénoramɯ.